



UNIVERSITÄTS-
BIBLIOTHEK
PADERBORN

Antiquae Lectionis Tomus ...

In Qvo XVI. Antiqua Monumenta Ad Historiam Mediae Aetatis Illvstrandam,
Nvnqvam Edita

Canisius, Heinrich

Ingolstadii, 1601

Epistola LV. Charissimæ in Christo sorori.

[urn:nbn:de:hbz:466:1-64144](https://nbn-resolving.org/urn:nbn:de:hbz:466:1-64144)

Charissimæ in Christo sorori.

Verè fateor, quod valde desideravi ad vos venire propter aliquas necessitates, quas vobiscum conferre volui. Sed me impediuit acerbitas febrium quæ me adhuc per vices fatigat. Quapropter citius a hibernale frigus REGI obuiam properare curabo.

Placet mihi valde labor vester in sanctæ DEI genetricis Ecclesiæ exaltatione, & librorum consideratione. Vnusquisque in his laboribus, quantum poterimus, vestram solertia adiuuare gaudemus. Et puer ille, secundum temporis opportunitatem vobis ferat auxilium. Vester verò profectus in Domino, mei animi est magna voluptas. Ideo, quod cepisti, perficere, DEI adiuuante misericordia, diligentemè studeas. Vnusquisque secundum suum laborem premium auditurus erit. Et, qui plus laborat, plus mercedem accipiet. Nunc tempus est operandi: veniet verò tempus remunerandi. Quales tunc esse optemus, tales nosmet ipsos nunc præparemus. Sipienti pauca sufficiunt. Sed sagacitatem animi vestri hæc omnia melius intellexisse quam me scripsisse; & operibus implere, quod vix verbis explicare valeo.

Vtinam citò adueniat tempus, vt tecum cordis mei conferam angustias, vt consoletur animus meus ex vestra pietatis perfectione. Plurimum mihi placet CRUX, quam vestra mihi benignitas direxit. Et credo vos æternam habere à DEO mercedem pro illius opere; & assiduas sancti LUCI intercessionem, & laudabiles gratiarum actiones ab eis qui ad illius patrocinia confugere solent.

Nunc soror alma vale, soror ô charissima nobis.

Et nunc, & semper, dulcis amica, vale.